



Osuđen je zbog rasturanja kokaina

Neziru Bajraktariju pet godina zatvora

Istom presudom, Mersija Džidić i Slavica Blagojević su oslobođene krivice usljed nedostatka dokaza

Nezir Bajraktari, zvani Žuti, osuđen je jučer u Sudu BiH na pet godina zatvora zbog trgovine kokainom. Istom presudom Sudsko vijeće je zbog nedostatka dokaza oslobodilo drugo i trećeoptužene Mersiju Džidić i Slavicu Blagojević. Predsjedavajući Vijeća, sudija Nenad Šeleda je naveo da je Sud našao dovoljno dokaza za osuđujuću presudu Bajraktariju, dodajući da je za isto krivično djelo u odsustvu osuđen u Hrvatskoj na 15 godina zatvora. Od Bajraktarija je oduzet 561 gram kokaina koji su otkupili prikriveni istražitelji **Državne agencije za istrage i zaštitu (SIPA)**, kao i oko 16.000 KM koje su pronađene prilikom pretresa kuće

Nezira Bajraktarija. Od tog novca biće podmireno potraživanje **SIPA** od 7.000 KM i 2.500 eura koliko je plaćeno za drogu koju su otkupili. Bajraktariju je oduzet i ostatak novca jer je stečen prodajom droge, a on se obavezuje da plati troškove suđenja. Sudija Šeleda je naveo da Mersija Džidić i Slavica Blagojević nisu počinile krivično djelo za koje se terete jer su živjele sa Bajraktarijem i morale su ga slušati i jer je on dominantna osoba u porodici. One su se teretila da su skupa s Bajraktarijem, kao organizovana kriminalna grupa, nekoliko puta pustile u promet više od pola kilograma kokaina, čija je vrijednost na narkotržištu veća od 50.000 KM. **D. P.**